

ხ ე ლ შ ე კ რ უ ლ ე ბ ა N42

საფოსტო-საკურიერო მომსახურების შესახებ

ქ.დმანისი

თებერვალი 2023 წ.

ერთის მხრივ, დმანისის მუნიციპალიტეტის მერია, წარმოდგენილი მუნიციპალიტეტის მერის კობა მურადაშვილის სახით, (შემდგომში „შემსყიდველი“) და მეორე მხრივ, შპს „საქართველოს ფოსტა“ (ს/კ 203836233) წარმოდგენილი მისი კომერციული დეპარტამენტის უფროსის მერი ბასილაშვილის სახით (შემდგომში „მიმწოდებელი“) „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „ბ“ ქვეპუნქტის, დმანისის მუნიციპალიტეტის მერის 2023 წლის 15 თებერვლის 108. 108230463 ბრძანებისა და სახელმწიფო შესყიდვების სააგენტოს თავმჯდომარის 2023 წლის 20 თებერვლის № 558 განკარგულების (მიმართვის NSMP230000502) საფუძველზე, ვდებთ სახელმწიფო შესყიდვის შესახებ ხელშეკრულებას შემდეგზე:

მუხლი 1. ხელშეკრულების საგანი

- 1.1. შემსრულებელი, დამკვეთის მიერ ამ ხელშეკრულებით გათვალისწინებული ღირებულების ანაზღაურების სანაცვლოდ, დამკვეთს უწევს საფოსტო-საკურიერო მომსახურებას „მომხმარებლის სახელმძღვანელოს“ და „ადგილობრივი ამანათის პირობებით“ გათვალისწინებული წესით (CPV- 64100000; 64110000; 64120000)
- 1.2. „მომხმარებლის სახელმძღვანელო“ და „ადგილობრივი ამანათის პირობები“ განთავსებულია შემსრულებლის ვებ-გვერდზე: <http://www.gpost.ge> და წარმოადგენს ამ ხელშეკრულების განუყოფელ ნაწილს.

მუხლი 2. ხელშეკრულების ფასი და ანგარიშსწორების წესი

- 2.1. მომსახურების ღირებულების ანაზღაურება ხორციელდება უნაღდო ანგარიშსწორების გზით;
- 2.2. საფოსტო-საკურიერო მომსახურების ღირებულება, მომსახურების თითოეული სახეობის მიხედვით, განისაზღვრება წინამდებარე ხელშეკრულების დანართებით, რომლებიც ამ ხელშეკრულების განუყოფელ ნაწილს წარმოადგენენ.
- 2.3. დამკვეთის მიერ შემსრულებლისათვის გაწეული მომსახურების ღირებულების ანაზღაურება წარმოებს საანგარიშო თვეში ფაქტობრივად განხორციელებული საფოსტო-საკურიერო მომსახურების შესაბამისად, მხარეთა შორის მიღება-ჩაბარების აქტის გაფორმებისა და შემსრულებლის მიერ ანგარიშფაქტურის დამკვეთისთვის წარდგენიდან 10 (ათი) სამუშაო დღის განმავლობაში.
- 2.4. ხელშეკრულების სავარაუდო საერთო ღირებულება შეადგენს **2986 (ორი ათას ცხრაასოთხმოცდაექვსი)** ლარს, საქართველოს კანონმდებლობით გათვალისწინებული გადასახადების ჩათვლით.

მუხლი 3. შემსრულებლის უფლებები და ვალდებულებები

3.1. შემსრულებელი ვალდებულია:

- 3.1.1. ჯეროვნად და კეთილსინდისიერად შეასრულოს მასზე დაკისრებული უფლება-მოვალეობები;
- 3.1.2. მოთხოვნის საფუძველზე, შესაბამისი ღირებულების ანაზღაურების სანაცვლოდ გაუწიოს დამკვეთს დამატებითი მომსახურება.
- 3.1.3. აუნაზღაუროს დამკვეთს მისი მართლსაწინააღმდეგო ქმედებით, აგრეთვე ხელშეკრულებით დაკისრებული ვალდებულებების შეუსრულებლობით ან არაჯეროვანი შესრულებით მიყენებული ზიანი;

3.1.4. თავის უფლება-მოვალეობების განხორციელებისას სრულად დაიცვას საქართველოს მოქმედი კანონმდებლობით, ამ ხელშეკრულებითა და „მომხმარებლის სახელმძღვანელოთი“ განსაზღვრული პირობები.

3.1.5. აცნობოს დამკვეთს „მომხმარებლის სახელმძღვანელოში“ ან/და „ადგილობრივი ამანათის პირობებში“ განხორციელებული ყველა ცვლილების შესახებ.

3.1.6 თუ შემსრულებლისაგან დამოუკიდებელი მიზეზების გამო 4.1.3 პუნქტში მითითებულ ვადაში ვერ ხერხდება გზავნილის გადაცემა დაბრუნდეს შესაბამის სერვის ცენტრში.

3.2. შემსრულებელს უფლება აქვს:

3.2.1. მოსთხოვოს დამკვეთს წინამდებარე ხელშეკრულებითა და მოქმედი კანონმდებლობით მასზე დაკისრებული უფლება-მოვალეობების კეთილსინდისიერი და ჯეროვანი შესრულება;

3.2.2. მოსთხოვოს დამკვეთს მართლსაწინააღმდეგო ქმედებით, აგრეთვე ხელშეკრულებით დაკისრებული ვალდებულებების შეუსრულებლობით ან არაჯეროვანი შესრულების გამო მისთვის მიყენებული ზიანის ანაზღაურება;

3.2.3. უარი განაცხადოს საფოსტო-საკურიერო მომსახურების გაწევაზე, ან/და საფოსტო გზავნილის მიღებაზე, თუ დარღვეულია ამ ხელშეკრულებაში ან/და „მომხმარებლის სახელმძღვანელოში“ მითითებული პირობები.

3.2.4. შეაჩეროს მომსახურების გაწევა თუ დამკვეთის მიერ დარღვეულია ანგარიშსწორების ვადა.

3.2.5. ცალმხრივად შეწყვიტოს წინამდებარე ხელშეკრულება დამკვეთისათვის წინასწარ 30 (ოცდაათი) კალენდარული დღით ადრე გაგზავნილი წერილობითი შეტყობინების საფუძველზე;

მუხლი 4. დამკვეთის უფლებები და ვალდებულებები

4.1 დამკვეთი ვალდებულია:

4.1.1. საფოსტო გზავნილის მისაღებად დაუბრკოლებლად გაატაროს თავის შენობაში შემსრულებლის წარმომადგენლები, ან გასცეს შენობაში შესვლის მუდმივი საშვი.

4.1.2. მკაცრად დაიცვას გზავნილების გაფორმების და მომზადების თაობაზე „მომხმარებლის სახელმძღვანელოსა“ და „ადგილობრივი ამანათის პირობებში“ მითითებული წესები.

4.1.3. არ დაუშვას საფოსტო გზავნილის მისაღებად მასთან მისული შემსრულებლის წარმომადგენლის მოცდენა. ამასთან, მოცდენად ჩაითვლება გარემოება, როდესაც შემსრულებელი დამკვეთის მოთხოვნის შესაბამისად გამოცხადდება მის მისამართზე, ხოლო დამკვეთი შემსრულებლისაგან დამოუკიდებელი მიზეზების გამო ვერ გადასცემს მას საფოსტო გზავნილს 30 (ოცდაათი) წუთის განმავლობაში.

4.1.4. შემსრულებლის მოთხოვნის საფუძველზე მიაწოდოს მას ამომწურავი ინფორმაცია მომსახურების ღირებულების ანაზღაურების შესახებ.

4.1.5. უზრუნველყოს წინამდებარე ხელშეკრულებით გათვალისწინებული მომსახურების ღირებულების ანაზღაურება უნადლო ანგარიშსწორების გზით.

4.1.6. აუნაზღაუროს შემსრულებელს მისი მართლსაწინააღმდეგო ქმედებით, აგრეთვე ხელშეკრულებით დაკისრებული ვალდებულებების შეუსრულებლობით ან არაჯეროვანი შესრულებით მიყენებული ზიანი;

4.1.7. თავის უფლება-მოვალეობების განხორციელებისას სრულად დაიცვას საქართველოს კანონმდებლობით, ამ ხელშეკრულებით და „მომხმარებლის სახელმძღვანელოში“ მითითებული პირობები.

4.1.8. შესრულებელთან ურთიერთობისას (ელ. პროგრამაში მუშაობის უზრუნველსაყოფად) გამოყოს საკონტაქტო პირი: სახელისა და გვარის, პირადი ნომრის, საკონტაქტო ტელეფონისა და ელ. ფოსტის მითითებით: მირანდა რეხესიძე, პ/ნ 62004020935; ტელ: 591 816-228; ელ.ფოსტა-mirandaberia10@gmail.com

4.2. დამკვეთს უფლება აქვს:

4.2.1. ამ ხელშეკრულების დანართით გათვალისწინებული ღირებულების ანაზღაურების სანაცვლოდ მოითხოვოს შემსრულებლისაგან დამატებითი მომსახურების გაწევა.

4.2.2. მოთხოვოს შემსრულებელს მისი მართლსაწინააღმდეგო ქმედებით, აგრეთვე ხელშეკრულებით დაკისრებული ვალდებულებების შეუსრულებლობით ან არაჯეროვანი შესრულებით მიყენებული ზიანის ანაზღაურება;

4.2.3 გზავნილების შექმნისა და მოძიების ელექტრონულ პროგრამაში მუშაობის უზრუნველსაყოფად ისარგებლოს ბარკოდ წამკითხველი რიდერით.

5. მხარეთა პასუხისმგებლობა და დაუძლეველი ძალა

5.1 შემსრულებელი, ხელშეკრულებით გათვალისწინებული ვალდებულებების შეუსრულებლობისათვის პასუხს აგებს „მომხმარებლის სახელმძღვანელოთი“ და „ადგილობრივი ამანათის პირობებით“ დადგენილი ოდენობითა.

5.2. დამკვეთი, წინამდებარე ხელშეკრულებით გათვალისწინებული ვალდებულების შეუსრულებლობის შემთხვევაში იხდის პირგასამტეხლოს ვადამოსული შეუსრულებელი ვალდებულების ღირებულების 0,1%-ის ოდენობით ყოველ ვადაგადაცილებულ დღეზე.

5.3. მხარეები თავისუფლდებიან პასუხისმგებლობისგან ვალდებულებების სრული ან/და ნაწილობრივი შეუსრულებლობისათვის დაუძლეველი ძალის მოქმედების შემთხვევაში, რომლის დროსაც შეუძლებელია წინამდებარე ხელშეკრულებით გათვალისწინებული ვალდებულებების შესრულება.

5.4. „დაუძლეველი ძალის“ ქვეშ იგულისხმება გარემოებები, რომელიც განსაზღვრულია „მომხმარებლის სახელმძღვანელოში“.

5.5. მხარე, რომელიც მიუთითებს დაუძლეველი ძალის გარემოებაზე თავისუფლდება პასუხისმგებლობისგან იმ ფარგლებში, რომლებშიც მას ხელი შეუშალეს დაუძლეველი ძალით გამოწვეულმა გარემოებებმა. ამასთან, იგი არ თავისუფლდება ამ ხელშეკრულების იმ სხვა ვალდებულებათა შესრულებისგან, რომელთა შესრულებასაც ხელს არ უშლის დაუძლეველი ძალით გამოწვეული გარემოებები.

5.6. იმ შემთხვევაში, თუ დამკვეთისათვის დაუძლეველი ძალის დადგომის გამო ვალდებულებების შესრულება შეუძლებელია, იგი ვალდებულია გონივრულ ვადაში, მაგრამ არაუგვიანეს 7 (შვიდი) სამუშაო დღისა, აცნობოს შემსრულებელს. არასაკატიო მიზეზით შეუტყობინებლობისა და დაგვიანებული შეტყობინების შემთხვევაში, იგი კარგავს უფლებას დაეყრდნოს დაუძლეველი ძალის არსებობას, როგორც პასუხისმგებლობისგან განთავისუფლების საფუძველს.

5.7. შემსრულებელის მიერ ინფორმაცია დაუძლეველი ძალის დადგომის შესახებ გამოქვეყნდება შემსრულებლის ვებ-გვერდზე.

5.8. მხარე ვალდებულია დაუძლეველი ძალის დასრულების შესახებ წერილობითი შეტყობინება გაუგზავნოს მეორე მხარეს გონივრულ ვადაში, მაგრამ არაუგვიანეს 5 (ხუთი) სამუშაო დღისა დასრულებიდან.

5.9. თუ დაუძლეველი ძალის მოქმედება გრძელდება 30 (ოცდაათი) კალენდარულ დღეზე მეტ ხანს, მხარეებმა უნდა გადაწყვიტონ წინამდებარე ხელშეკრულების ბედი. თუ მხარეები ვერ მიაღწევენ შეთანხმებას, დავა განიხილება წინამდებარე ხელშეკრულების მე-6 მუხლის შესაბამისად.

6. დავის გადაწყვეტის წესი

6.1. მხარეები ადგენენ, რომ ხელშეკრულებასთან დაკავშირებული ყველა პრეტენზია განხილული უნდა იქნეს 15 (თხუთმეტი) კალენდარული დღის ვადაში, მხარის მიერ პრეტენზიის წერილობითი ფორმით მიღების დღიდან.

6.2 სოფოსტო საკურიერო მომსახურებასთან დაკავშირებული სადავო საკითხები გადაწყდება „მომხმარებლის სახელმძღვანელოსა“ და „ადგილობრივი ამანათის პირობებში“ განსაზღვრული წესების შესაბამისად.

7. ხელშეკრულების მოქმედების ვადა და მისი შეწყვეტის წესი

7.1. წინამდებარე ხელშეკრულება ძალაში შედის ხელშეკრულების გაფორმებიდან 2023 წლის 01 აპრილის ჩათვლით და მოქმედებს 2023 წლის 30 ივნისის ჩათვლით. მომსახურების გაწევის ბოლო ვადაა 2023 წლის 01 აპრილის ჩათვლით.

7.2. წინამდებარე ხელშეკრულება ვადამდე შეიძლება შეწყდეს მხარეთა ურთიერთშეთანხმებით.

7.3. თითოეულ მხარეს შეუძლია მოშალოს ხელშეკრულება ამ მუხლით გათვალისწინებული წესის დაუცველად, თუ მეორე მხარე არღვევს დაკისრებულ მოვალეობებს და შესაბამისმა მხარემ განუსაზღვრა მას გონივრული ვადა დარღვევის აღმოსაფხვრელად, ხოლო დამრღვევმა მხარემ ვერ უზრუნველყო დადგენილ ვადაში დარღვევის გამოსწორება.

8. მომსახურების სპეციალური პირობები და პროცედურები

8.1. წინამდებარე ხელშეკრულების ფარგლებში დამკვეთის მიერ საფოსტო გზავნილების შემსრულებლისათვის გადაცემა ხორციელდება დამკვეთის მისამართზე. ამასთან, კურიერის ვიზიტი დამკვეთის მისამართზე ერთი სამუშაო დღის განმავლობაში ხორციელდება მხოლოდ ერთხელ.

8.2. ადგილობრივი საფოსტო გზავნილების ადრესატისათვის ჩაბარება, ხორციელდება ადრესატის მისამართზე.

8.3. თუ ადრესატი სარგებლობს შემსრულებლის სააბონენტო საფოსტო ყუთით, მასზე დამისამართებული მარტივი კატეგორიის წერილობითი კორესპონდენციის ჩაბარება ხორციელდება მარტივი კატეგორიის წერილობითი კორესპონდენციის ასეთ სააბონენტო საფოსტო ყუთში მოთავსების გზით.

9. დასკვნითი დებულებები

9.1. წინამდებარე ხელშეკრულების ყველა დანართი ითვლება მის განუყოფელ ნაწილად და განიხილება მასთან ერთად.

9.2. წინამდებარე ხელშეკრულების ნებისმიერი ცვლილება და დამატება ძალაშია მხოლოდ მაშინ, თუ იგი შედგენილია წერილობითი ფორმით და ხელმოწერილია მხარეთა უფლებამოსილი წარმომადგენლების მიერ.

9.3. წინამდებარე ხელშეკრულების მოქმედების ვადის განმავლობაში, საფოსტო-საკურიერო მომსახურების ღირებულება შეიძლება შეიცვალოს მხოლოდ მხარეთა ურთიერთშეთანხმების საფუძველზე.

9.4. თუ წინამდებარე ხელშეკრულების რომელიმე დებულება ბათილია, მიუხედავად ბათილობის საფუძვლისა, ეს არ გამოიწვევს მთელი ხელშეკრულების ბათილობას. ამ შემთხვევაში ხელშეკრულების დარჩენილი დებულებები მოქმედებს ბათილი დებულების გარეშე.

9.5. ყველა იმ საკითხის რეგულირების მიზნით, რომელიც არ არის მოწესრიგებული წინამდებარე ხელშეკრულებით, მხარეები სარგებლობენ საქართველოში მოქმედი კანონმდებლობის, „მომხმარებლის სახელმძღვანელოს“ და „ადგილობრივი ამნათის პირობების“ შესაბამისად.

9.6. წინამდებარე ხელშეკრულების მოქმედების დაწყებიდან ძალადაკარგულად ცხადდება მხარეებს შორის წინამდებარე ხელშეკრულების გაფორმებამდე არსებული ყველა ზეპირი მოლაპარაკება ან/და წერილობითი შეთანხმება, ან მისი ნაწილი, რომელიც ეწინააღმდეგება წინამდებარე ხელშეკრულებას.

9.7. ხელშეკრულება შედგენილია თანაბარი იურიდიული ძალის მქონე 2 (ორი) ეგზემპლარად და ინახება ხელშეკრულების მხარეებთან.

მუხლი 10. მხარეთა რეკვიზიტები

„დამკვეთი“ დმანისის მუნიციპალიტეტის მერია	„შემსრულებელი“ შპს „საქართველოს ფოსტა“
--	---

ს/ნ: 228928391

მის: ქ. დმანისი, წმ. ნინოს №41

ბანკის კოდი: TRESGE22

ანგ. ნომერი: GE24NB0330100200165022

ტელ.: 0(360) 22-11-53

ს/ნ: 203836233;

მის: 0100 თბილისი, სადგურის მოედანი N2

ბანკი: სს „საქართველოს ბანკი“

ბ.კ: BAGAGE22

ანგ. ნომერი: GE13BG0000000123286800

ადგილობრივი გზავნილები

#	მომსახურების დასახელება	რაოდენობა არაუმეტეს (ცალი)	ერთეულის ღირებულება დღგ-ს ჩათვლით (ლარი)	სულ ღირებულება (ლარი) დღგ-ს ჩათვლით
1	ნებისმიერი გზავნილის ტარიფი საქართველოს მასშტაბით 0 გრ-დან 100 გრ-მდე	170	15.00	2550,00
2	ნებისმიერი გზავნილის ტარიფი საქართველოს მასშტაბით 100 გრ-დან 500 გრ-მდე	24	15.00	360,00
3	ნებისმიერი გზავნილის ტარიფი საქართველოს მასშტაბით 500 გრ-დან 2 კგ-ის ჩათვლით	5	15.00	75.00
4	ნებისმიერი გზავნილის ტარიფი საქართველოს მასშტაბით 2 კგ-ზე ზევით თითოეულ კილოგრამზე	1	1	1.00
ჯამი:				2986.00

ხელწერილი ინტერესთა კონფლიქტის არარსებობის შესახებ

ქ.დმანისი

2021 წელი

მე, დმანისის მუნიციპალიტეტის მერი კობა მურადაშვილი ვადასტურებ, რომ 2023 წლის №42 ხელშეკრულებით განსაზღვრულ სახელმწიფო შესყიდვაში ჩემი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და მიმწოდებელთან ინტერესთა კონფლიქტში არ ვიმყოფები.